

ՀՈԿՏԵՄԲԵՐԻ 5-Ը «ՈՒՍՈՒՑԶԻ ՄԻՋԱԶԳԱՅԻՆ ՕՐ»

ՆԱԹԻԱ ՈՒՉԱՎԱՆ՝ ՈՒՍՈՒՑԶԻ ԱԶԳԱՅԻՆ ՄՐՑԱՆԱԿԻ ԴԱՓՆԵԿԻՐ

Հոկտեմբերի 5-ին, «Ուսուցչի միջազգային օրվա» կապակցությամբ, Վրաստանի կրթության, գիտության և երիտասարդության նախարար Ալեքսանդրե Ծուլաձենը շնորհավորեց ուսուցիչներին:

Նախարարի շնորհավորական ուղերձում, մասնավորապես, ասված է.

«Հարգելի ուսուցիչներ, դուք մեր ժամանակի իսկական հերոսներն եք, եւ ուզում եմ շնորհակալություն հայտնել ձեզ՝ ձեր մասնագիտությանը նվիրվածության համար: Մեր հիմնական խնդիրն է՝ աջակցել ուսուցիչներին ինքնակատարելագործման եւ մասնագիտական առաջխաղացման գործում: Ըստ այդմ, եկեք ստեղծենք այնպիսի աշխատանքային պայմաններ, որոնց դուք արժանի եք: Մեկ անգամ եւս շնորհավորում եմ բոլորին՝ օրվա կապակցությամբ, մաղթում եմ ձեզ հաջողություն եւ բարգավաճում»:

«Ուսուցչի միջազգային օրվա» կապակցությամբ, 7-ամյա ավանդույթի համաձայն, անցկացվեց եռաստիճան մրցույթ, որի

արդյունքով բացահայտվեցին եզրափակիչ փուլ անցած հինգ մասնակիցները: Այստեղից երկուսը՝ Թբիլիսիի, երեքը մարզերի դպրոցների ուսուցիչներ էին:

Եզրափակիչ փուլում էլ՝ 20 հոգուց բաղկացած հեղինակավոր ժյուրին 2024 թվականի Ուսուցչի ազգային մրցանակի դափնեկիր հռչակեց Նաթիա Ուչավանին:

Ազգային մրցանակի դափնեկիրը, որպես դրամական պարգև, կստանա 15000 լարի: Յոթ տարի առաջ հիմնադրված մրցույթի հիմնական նպատակն է՝ բարձրացնել ուսուցչի մասնագիտության հեղինակությունն ու հանրահռչակումը: Տարվա ուսուցչի կարգավիճակ ստանալու համար անհրաժեշտ է բավարարել մի քանի չափանիշ: Դրանց թվում են ուսումնական գործընթացում օգտագործվող ստեղծագործական հմտությունները, ստեղծագործականությունը, մասնագիտական մոտեցումները: Ամեն տարի մրցույթը համախմբում է ուսուցիչներին Վրաստանի բոլոր քաղաքներից ու մարզերից: Պարգևատրման արարողությունը տեղի ունեցավ «Իվենթ Յոլում»:



ԲԱՐԵՊՐԵՆԻՐՈՒԹՅՈՒՆ

ԲԻԶՆԵՍ ԻՎԱՆԻՇՎԻԼԻ ԿՈՂՄԻՅ ՄԵԿ ՄԻԼԻՈՆ ՖՈՒՆՏ ՍՏԵՈՒՆԳՈՎ ԳԵՎԱԾ ԻՈԱՆԵ ԶՈՍԻՄԵԻ ԵԶԱԿԻ ԶԵՌԱԳԻՐԸ ԲԵՐՎԵՅ ՎՐԱՍԱՆ

Իրանե Զոսիմեի եզակի ձեռագիրը այլևս Վրաստանում է: Բի-ձինա Իվանիշվիլիի եւ նրա ընտանիքի կողմից Christie's-ի աճուրդում մեկ միլիոն ֆունտ ստեռլինգով գնված գանձը՝ որպես նվեր կտրամադրվի պետությանը:



Ձեռագիրը հանդիսավորապես ընդունվեց արդեն իսկ Թբիլիսիի միջազգային օդանավակայանում: Այստեղ էին Վրաստանի մշակույթի, սպորտի եւ երիտասարդության նախարարի պաշտոնակատար Սոսո Բաղաթուրիան եւ արվեստի թանգարանի փոխտնօրեն Նիկա Ախալբեգաշվիլին, ինչպես նաեւ Վրաց Ուղղափառ Սուրբ եկեղեցու ներկայացուցիչներ:

Օդանավակայանից ձեռագիրը տեղափոխվեց Վրաստանի պատրիարքարան: Ավելի ուշ՝ այն կփոխանցվի Ազգային թանգարանին: Սկզբում ձեռագիրը կցուցադրվի թանգարանի Ոսկե ֆոնդում, եւ հանրությունը հնարավորություն կունենա տեսնել այն, իսկ հետո գիտնականները կաշխատեն ձեռագիրը մանրամասն ուսումնասիրելու ուղղությամբ:

Բի-ձինա Իվանիշվիլին ձեռագիրը գնել է այս տարվա հունիսի 11-ին Christie's-ի աճուրդում, մեկ միլիոն 250 հազար ֆունտ ստեռլինգով:

ԹԱՏՐՈՆ

«ԽԱՆՈՒՄԱՆ» ՀԻԱՅՐԵՅ ԵՐԵՎԱՆՅԻՆԵՐԻՆ

Հոկտեմբերի 9-ին եւ 10-ին, Թբիլիսիի Պ.Աղամյանի անվան պետական հայկական դրամատիկական թատրոնը հայտնի վրացի դրամատուրգ Աբվեսնտի Ցազարելու (1857-1902) «Խանումա» բեմադրությամբ, ներկայացավ Երեւանի Կ.Ստանիսլավսկու անվան ռուսական պետական դրամատիկական թատրոնում: Հյուրախաղը իրականացվել է Հայաստանի կրթության, գիտության, մշակույթի եւ սպորտի նախարարության աջակցությամբ:



Թբիլիսիի Շ.Ռուսթավելու անվան պետական ակադեմիական թատրոնի գեղարվեստական ղեկավար, աշխարհահռչակ ռեժիսոր Ռոբերտ Ստուրուայի եւ մեր թատրոնի գեղարվեստական ղեկավար Արմեն Բայանդուրյանի համաբեմադրությամբ «Խանուման» երեւանյան թատրոնի դահլիճում երկու օր անընդմեջ ազատ տեղ չէր թողել:

Ինչպես եւ նշել էր «Վրաստանը», Ցազարելու այս պիեսը, որի առաջնախաղը աղանյանցիները ներկայացրեցին սեպտեմբերի 25-ին Թբիլիսիի Ա.Գրիբոյեդովի պետական ռուսական դրամատիկական թատրոնում, ներկայացվեց նոր մեկնաբանությամբ: Բավական հետաքրքիր էր ռեժիսորական մոտեցումը, դերասանական խաղը, ինչպես նաեւ երաժշտական, պարային ձեւավորումները

եւ, իհարկե, անվանի նկարիչ Մայիս Մխիթարյանի գույների հրավառությունը:

Հյուրախաղերին, հոկտեմբերի 9-10-ին, «Խանուման» ներկայացվեց դերակատարների երկու կազմով՝ առավել ընդգծելով տաղանդավոր դերասանական խմբի ներուժը:

Հատկանշական է, որ 100-ից ավելի տարիներ բեմերից չիջնող, այսօր էլ պահանջված ու սպասված «Խանուման» մշտապես ընդգրկված է հայաստանյան թատրոնների խաղացանկում: Եվ սակայն, նույն Հայաստանում միշտ ուրիշ զգացողությամբ են սպասել աղանյանցիներին, ում, երեւի թե, ամենից ճիշտ է հաջողվել արտահայտել հարազատ Թիֆլիսի վարքն ու բարքը եւ բարբառային համն ու հոտը:

ՄԱՐԻԱՄ ԴԱՆԻԵԼՅԱՆ

ՎԱՍՏԱԿԱՇԱՏ ՈՒՍՈՒՑԻՉՆԵՐԻ ՊԱՐԳԵՎԱՏՐՄԱՆ ԱՐԱՐՈՂՈՒԹՅՈՒՆ ԱԽԱԼՔԱԼԱՔԻՈՒՄ

Հոկտեմբերի 5-ին, «Ուսուցիչների միջազգային օրվա» կապակցությամբ, Ախալքալաքի քաղաքապետ Մելքոն Մակարյանի որոշմամբ, քաղաքապետարանի դահլիճում տեղի ունեցավ վաստակաշատ ուսուցիչների պարգևատրման արարողություն:

Միջոցառմանը ներկա էին Վրաստանի խորհրդարանի պատգամավոր Սամվել Մանուկյանը, Սամցխե-Ջավախեթի երկրամասի պետական լիազոր-նահանգապետ Բեսիկ Ամիրանաշվիլին, փոխնահանգապետ Շոթա Ռոստիաշվիլին, Ախալքալաքի մունիցիպալիտետի քաղաքապետ Մելքոն Մակարյանը, սակրեբուլոյի նախագահ Նաիրի Իրիցյանը, փոխքաղաքապետներ եւ հրավիրված հյուրեր:



Կրթության ոլորտում աշխատող 5 ուսուցչի՝ Սվետլանա Կարոյանին, Ալիկ Քսայոյանին, Ատոմ Էլիզբարյանին, Կառլեն Կարապետյանին եւ Գագիկ Էլիզբարյանին, գալիք սերունդների կրթության գործում ունեցած առանձնահատուկ ավանդի համար, շնորհվեցին շնորհակալագրեր եւ խորհրդանշական նվերներ:

Ինձ համար մեծ պատիվ է մասնակցել այս հանդիսավոր միջոցառմանը: Ուսուցչի մասնագիտությունը եւ դերն անչափ կարեւոր են հասարակության զարգացման գործում: Սա մասնագիտու-

թյուն է, որը ձեւավորում է այլ մասնագիտություններ: Տեղական ինքնակառավարման մարմինների, Ախալքալաքի քաղաքապետարանի անունից ուզում եմ շնորհավորել բոլոր ուսուցիչներին, ովքեր այստեղ են եւ ապրում են մեր մունիցիպալիտետում, մաղթում եմ մեծ հաջողություններ եւ մասնագիտական, եւ անձնական կյանքում, - ասաց Մելքոն Մակարյանը:

ԱԽԱԼՑԻԽԵ. ՄԻՋՈՑԱՌՈՒՄ՝ ՆԿԻՐՎԱԾ «ՈՒՍՈՒՑԻՉՆԵՐԻ ՄԻՋԱԶԳԱՅԻՆ ՕՐՎԱՆ»

«Ուսուցիչների միջազգային օրվա» կապակցությամբ, Ախալցխի մունիցիպալիտետի քաղաքապետարանի կազմակերպմամբ, անցկացվեց հանդիպում:

Հրավիրված մանկավարժների հետ հանդիպեցին Սամցխե-Ջավախեթի երկրամասում պետական լիազոր-նահանգապետ Բեսիկ Ամիրանաշվիլին, Ախալցխի մունիցիպալիտետի քաղաքապետ Իրակլի Լազարաշվիլին, սակրեբուլոյի նախագահ Դավիթ Լոմիձեն, հանրակրթական ռեսուրս-կենտրոնի ղեկավար Խաթունա Խմալաձեն:



Նրանք շնորհավորեցին ուսուցիչներին՝ մանկավարժների միջազգային օրվա կապակցությամբ եւ մաղթեցին հաջողություններ:

Մանկավարժական արգասաբեր գործունեության համար քաղաքապետարանում գործող 38 հանրային դպրոցների եւ «Ագե-

քա» մասնավոր դպրոցի մանկավարժները քաղաքապետարանից ստացան պատվոգրեր ու հուշանվերներ:

ԵՎՐԱՍՏԱՆԻ ԳՐԱՅԻՆ ԱՆՇԵԹԹՈՒԹՅՈՒՆ

ԲՐՅՈՒՍԵԼՈՒՄ ԽՈՍՈՒՄ ԵՆ ԺՈՂՈՎՐԴԱՎԱՐՈՒԹՅԱՆ ՄԱՍԻՆ, ՍԱԿԱՅՆ ՆՐԱՆՑ ԻՐԱԿԱՆ ՆՊԱՏԱԿԸ «ԵՐԿՐՈՐԴ ՃԱԿԱՏԻ» ԲԱՑՈՒՄՆ Է

(Ակիզը՝ 1-ին էջում)

Մեր եվրոպական գործընկերներին լրջորեն մտահոգեց Ռուսաստանի արտաքին գործերի նախարարի հայտարարությունն այն մասին, որ պատրաստ են Վրաստանին օգնել Աբխազիայի եւ Հարավային Օսեթիայի հետ հարաբերությունների կարգավորման գործում, ինչը, եվրախորհրդարանականների համոզմամբ, Վրաստանի բռնազավթված տարածքների չճանաչման քաղաքականությունից Վրաստանի կառավարության հրաժարման ցուցադրումն է:

Եվրախորհրդարանականների համար առավել մտահոգիչ էին վարչապետ Իրակլի Կոբախիձեի խոսքերն այն մասին, որ Վրաստանը Ռուսաստանի դեմ պատժամիջոցներ չի սահմանի, միայն կկանխի իր տարածքով պատժամիջոցների խախտման փորձերը:

Նույնիսկ տնտեսագիտությունից հեռու գտնվող մարդկանց համար ակնհայտ է, որ Ռուսաստանի դեմ Վրաստանի կողմից պատժամիջոցների սահմանումը կնմանվի մոծակի խայթոցի, թեպետ Վրաստանի համար հյուսիսային հարեւանի հետ հարաբերությունների սրումը կարող է հանգեցնել պետական բյուջեի պատկառելի գումարների կորստի: Եվրախորհրդարանականներին զայրացրել է Վրաստանի եւ Ռուսաստանի միջեւ վերջին երկու տարիների ընթացքում տնտեսական համագործակցության ընդլայնումը, այն, որ Ռուսաստանի շուրջ 100 հազար քաղաքացիներ մշտական բնակություն են հաստատել Վրաստանում, բացել ավելի քան 26 հազար արտադրություն, Վրաստանում գնել են անշարժ գույք, գործունեություն են ծավալել, ինչը, եվրախորհրդարանականների հավաստմամբ, առաջացնում է «փողերի լվացման ռիսկեր, ինչը սպառնում է Վրաստանի ազգային անվտանգությանը»: Փոխարենը, եվրախորհրդարանը Վրաստանից պահանջում է ի պատասխան Ուկրաինայում լայնածավալ ներխուժման, Ռուսաստանի դեմ սահմանել պատժամիջոցներ եւ այսուհետեւ երկրի արտա-

քին քաղաքական կուրսը համաձայնեցնել Ռուսաստանի նկատմամբ եվրամիության արտաքին քաղաքականության եւ ռազմավարության հետ (դժվար չէ պատկերացնել դրա հետեւանքները Վրաստանի համար):

Եվրախորհրդարանի ընդունած բանաձեւում մոռացության չի մատնվել նաեւ Վրաստանի նախկին նախագահ Միխեիլ Սաակաշվիլին: Եվրախորհրդարանականները բարձրացրել են նրան անհապաղ ազատ արձակելու եւ արտասահմանում բժշկական օգնություն ստանալու հնարավորություն ընձեռելու պահանջը: Հետաքրքիր պատկեր է ստացվում՝ դատարանի կողմից պաշտոնապես դատապարտված մեղադրյալը, բանտային խցիկի փոխարեն, հարմարավետորեն «ապրում է» հիվանդասենյակում, թեպետ նրա արտասահմանյան «երկրպագուներին» դա ձեռք չի տալիս եւ պահանջում են նրա ազատ արձակումը:

ԳԻՍ ՎՈՒՍԿԻ, «ԵՎՐԱՍՏԱՆԻ ԲԱՆԱՅՅԵԿ ԶԱԿԱՎՐԱՅՎԱԾ Է ԵՎ ԶԱՐԱՔԱՆՎՈՒՄ ԿՈՂՄԱԿԱՆ»



Արձագանքելով Եվրախորհրդարանի Վրաստանի հասցեին ընդունած որոշմանը՝ Վրաստանի խորհրդարանի նախագահի առաջին տեղակալ Գիոսկի Վոլսկին հայտարարեց, որ Ռուսաստանի դեմ Վրաստանի կողմից տնտեսական պատժամիջոցները բացարձակապես ոչ մի ազդեցություն չեն ունենա Ռուսաստանի վրա, սակայն Վրաստանի համար դրանք կունենան տնտեսական կործանարար արդյունք:

- Մի շարք եվրոպական երկրներ անհամեմատ ինտենսիվ շարունակում են առեւտուրը Ռուսաստանի հետ, սակայն, չգիտես ինչու, նման պահանջ ներկայացվում է միայն Վրաստանին: Քաջ գիտակցում ենք, որ, համաշխարհային դիմակայության պայմաններում, Վրաստանի

դեմ Ռուսաստանի ագրեսիան կպահանջի որոշակի ռեսուրսներ, սակայն Վրաստանի համար դա կլինի կործանարար: Վրաստանի կողմից Ռուսաստանի դեմ տնտեսական պատժամիջոցներն աննշան ազդեցություն կունենան նրա էկոնոմիկայի վրա, բայց Վրաստանը կկրի կործանարար հետեւանքներ: Ուստի, մենք ընդունած բանաձեւը ընկալում ենք՝ որպես հակավրացական, ուղղված քաղաքական առանձին սուբյեկտների աջակցությանը,- հայտարարեց Գիս Վոլսկին:

ԿԱՍՏ ԿԱՆԱՅԵ, «ԵՎՐԱՍՏԱՆԻ ԲԱՆԱՅՅԵԿ ԲԱՅԱՆԱՅՏՈՐԵՆ ԱՆԱՐԳԱՐԱՅԻ Է»



Այսպես գնահատեց Եվրախորհրդարանի ընդունած որոշումը Թբիլիսիի քաղաքապետ Կաստ Կանայե՝ նշելով, որ Ուկրաինայում պատերազմի սկզբից ի վեր, Եվրախորհրդարանը ընդունել է երեք նման բանաձեւ, եւ դրանցում ուրվագծվում են այն ուժերը, որոնց մենք կոչում ենք գլոբալ պատերազմի

կուսակցություն:

- Ակնհայտ է, որ այդ կոնկրետ ուժերը բացահայտ չեն դժգոհում, որ երկրում չի բացվել երկրորդ ճակատ: Ու հիմա հույսը դրել են խորհրդարանական ընտրությունների վրա: Եվ հենց դրա համար էլ Եվրախորհրդարանում անցկացվեց այդ բանաձեւի քննարկումը: Եվ սակայն ջանքերն ապարդյուն են, քանի որ վրաց հասարակայնությունը քաջ գիտակցում է, թե ինչ է տեղի ունենում իր շուրջ, ինչ ուժեր են գործում, ինչ շահեր են հետապնդում, ինչ ծայրահեղականներ են այդ անենի հետեւում կանգնած,- հայտարարեց Կաստ Կանայե ու հավելեց, որ ընդունած բանաձեւը բացարձակապես անարդարացի է:

ՅՈՒՐԻ ՊՈՂՈՍՅԱՆ

«ՎՐԱՑԱԿԱՆ ԵՐԱՋԱՆՔԻ» ԶԱՐՈՋԱՐՇԱԿԸ

«ՎՐԱՑԱԿԱՆ ԵՐԱՋԱՆՔԻ» ՊԱՏՊԱՆՎՈՐՈՒԹՅԱՆ ԹԵԿՆԵՄՈՒՆԵՐԸ ՀԱՐՈՒՆԱԿՈՒՄ ԵՆ ՀԱՆԳԻՊՈՒՄՆԵՐՆ ԸՆՏՐՈՂՆԵՐԻ ՀԵՏ

ԹԲԻԼԻՍԻ, ԻՍՏԱՆ



Նախընտրական հանդիպումները շարունակում է նաեւ «Վրացական երազանք-ժողովրդավարական Վրաստան» կուսակցությունից Իսանիի պատվիրակ Նիկա Էլիսաշվիլին:

Թբիլիսիի Հավլաբար եւ Էլիա թաղամասերի բնակիչների հետ հանդիպմանը Նիկա Էլիսաշվիլին ներկայացրեց կուսակցության նախընտրական ծրագիր, նշելով, որ դրանում առանձնակի ուշադրություն է հատկացված ինչպես ենթակառուցային օբյեկտների կարգավորմանը, այնպես էլ՝ բնակչության սոցիալ-տնտեսական պայմանների բարելավմանը:

- 35 տարի է, ինչ ապրում են Հավլաբարում եւ քաջատեղյակ են թաղամասի գրեթե բոլոր փողոցների բնակիչների կարիքներին: Քաջատեղյակ են նաեւ այն պատճառով, որ տարիների ընթացքում եղել են Իսանիի շրջանի վարչության նախագահ եւ իմ նախագահության օրոք մեծ թվով նախագծեր են իրականացվել շրջանում, եւ այսօր այդ գործընթացը շարունակվում է: Մարդկանց հուզող հիմնախնդիրները շատ են, եւ նախընտրական հանդիպումներն ընկերների, բարեկամների, ծանոթների հետ առնչվելու, նրանց լսելու եւ իմ ասելու հիանալի հնարավորություն են,- հայտարարեց Նիկա Էլիսաշվիլին:

ՄԻՍԱԼՔԱՐԱՔԻ - ՆԻՆՈՍԻՆԿԱ

Վրաստանի 10-րդ գումարման խորհրդարանի Ախալքալաքի եւ Նինոծմինդայի մեծամասնական պատգամավոր, հոկտեմբերի 26-ին ացկացվելիք խորհրդարանական ընտրությունների համար վերոնշյալ մունիցիպալիտետներում «Վրացական երազանք» կուսակցության պատվիրակ Սամվել Մանուկյանը, Վրաստանի խորհրդարանի

10-րդ գումարման պատգամավոր, «Վրացական երազանքի» ընտրացուցակով պատգամավորության թեկնածու Սմբատ Կուրեռյանը, նախընտրական քարոզարշավի շրջանակներում, շարունակում են հանդիպումներ անցկացնել Ախալքալաքի եւ Նինոծմինդայի մունիցիպալիտետների մի շարք գյուղերի բնակիչների հետ: Սամվել Մանուկյանը, Ախալքալաքի եւ Նինոծմինդայի մունիցիպալիտետների քաղաքապետեր Մելքոն Մակարյանի եւ Անի Մոսոյանի, սակրեբուլոյի նախագահներ Նաիրի Իրիցյանի ու Վահան Արոյանի ուղեկցությամբ, հանդիպումներ է ունեցել Ախալքալաքի մունիցիպալիտետի Խուլգու-



մո, Կուլիկան, Կարտիկան, Բուզավեթ, Աբուլ, Թախա, Բավրա, Մարտունի, Խոսպիո, Մաջադիա, Կորի, Թոթխամ, Արագվա, Խանդո, Վարեան, Ալաստան, Գոկիո, Օրջա, Նինոծմինդայի մունիցիպալիտետի Գորելովկա, Օրլովկա, Եֆրեմովկա, ժղանով, Սպասովկա, Սամեբա, Սաթխա, Օրոջալար, Մեծ եւ Փոքր Արագյալ գյուղերի բնակիչների հետ:

ՄԻՍԱԼՔԻՆԵ - ԲՈՐԺՈՍԻ - ԱՄԴԻՆՅԱ - ԱԳԳԵՆԻ

Առաջիկա խորհրդարանական ընտրությունների քարոզարշավին ակտիվ ներգրավվել է նաեւ Վրաստանի 10-րդ գումարման խորհրդարանի Ախալցխիսեի, Բորժոմի, Ասպինձայի եւ Ադիգեհի մեծամասնական պատգամավոր, հոկտեմբերի 26-ի ընտրությունների «Վրացական երազանքի» պատվիրակ Անտոն Օբլաշվիլին:

Անտոն Օբլաշվիլին վերջին օրերին հանդիպումներ է ունեցել Ախալցխիսեի մունիցիպալիտետի Աժոլուրի, Ասպինձայի մունիցիպալիտետի Ռուսթավի, Խիզաբավրա, Օշորա, Օթա, Դամալա գյուղերի բնակիչների հետ:

Անտոն Օբլաշվիլին, Ախալցխիսեի մունիցիպալիտետի քաղաքապետ Իրակլի Լազարաշվիլու հետ հանդի-



պել է մունիցիպալիտետի երիտասարդական կազմակերպությունների ներկայացուցիչների, մունիցիպալիտետի հանրային դպրոցների մանկավարժների հետ:

ԲՈՒՆԻՍԻ - ԴՄԱՆԻՍԻ - ԹԵՐԹԻՇՎԱՐԻ - ՇԱԿԱ

Բոլնիսիի մունիցիպալիտետի քաղաքապետ, հոկտեմբերի 26-ին անցկացվելիք խորհրդարանական ընտրու-



թյունների Բոլնիսիի, Դմանիսիի, Թեթրիժարոյի եւ Ծալկայի մունիցիպալիտետներում «Վրացական երազանքի» պատվիրակ Դավիթ Շերազադիշվիլին, քարոզարշավի շրջանակներում, հանդիպումներ է ունեցել Ծալկայի մունիցիպալիտետի Սաղդրիանի, Գանթիադի, Սամեբա, Աշխալա, Թեթրիժարոյի մունիցիպալիտետի Ծինծղարո, Քոսալաուրի, Խախի, Մարաբդա, Բոլնիսիի մունիցիպալիտետի Խատիսուփելի, Վանաթի, Ռաճիսուբանի, Բոլնիսի, Քվեմո Բոլնիսի գյուղերի բնակիչների հետ:

Պատրաստեց ՅՈՒՐԻ ԽՈՐԵՆՅԱՆԸ

ՀԱՅԱՍՏԱՆ. Փաստեր, իրադարձություններ

«ՎՐԱՍՏԱՆԻ», ԱՐՄԵՆՊԵՍԻ, ՊԱՆԱՐՄԵՆԻԱՆԻ ՆՅՈՒԹԵՐՈՎ

ՀԱՅԱՍՏԱՆԻ ՆԱԽԱԳԱՅԻ ՊԱՇՏՈՆԱԿԱՆ ԱՅՑԸ ԳԵՐՄԱՆԻԱ

Հոկտեմբերի 9-ին, Գերմանիայի նախագահական նստավայրում, կայացավ Հայաստանի նախագահի դիմավորման հանդիսավոր արարողությունը, որին հաջորդեց նախագահների Վահագն Խաչատուրյանի եւ Ֆրանկ-Վալտեր Շթայնմայերի հանդիպումը:

Զրույցի ընթացքում կողմերը մտքեր փոխանակեցին Հայաստանի եւ Գերմանիայի համագործակցության մի շարք օրակարգային հարցերի շուրջ: Անդրադարձան տարածաշրջանային եւ գլոբալ մի շարք հիմնախնդիրների, որոնց վերաբերյալ նախագահները ներկայացրեցին իրենց դիրքորոշումները:

Զրույցի ավարտին Գերմանիայի նախագահ Ֆրանկ-Վալտեր Շթայնմայերն ընդգծեց, որ Գերմանիան աջակցում է հարեւանների հետ բարիդրացիական հարաբերություններ հաստատելու Հայաստանի ձգտումներին եւ հնարավոր ջանքեր կգործադրի հարավկովկասյան տարածաշրջանում վերջնական խաղաղության հաստատման համար:

ՀԱՅԱՍՏԱՆ-ՌՈՒՍԱՍՏԱՆ. ՎԱԿԵՐԱՑՎԵԼ Է ՔԱՂԱՔԱԿԱՆ ԵՐԿԽՈՍՈՒԹՅԱՆ ԱԿՏԻՎԱՑՈՒՄ

Հոկտեմբերի 8-ին, Մոսկվայում, ԱՊՀ պետությունների ղեկավարների խորհրդի հերթական նիստի շրջանակներում, կայացավ Հայաստանի վարչապետ Նիկոլ Փաշինյանի հանդիպումը Ռուսաստանի նախագահ Վլադիմիր Պուտինի հետ:



Հանդիպմանը նշվեց, որ Հայաստանի ու Ռուսաստանի միջև վերջին ամիսների ընթացքում կայացել է բավական ակտիվ քաղաքական երկխոսություն:

Քննարկել ենք մեր համագործակցությանն առնչվող հարցեր: Այսօր եւս լավ հնարավորություն է ընդհանրացնել այդ քննարկումները, եւ շատ ուրախ եմ, որ ընձեռվել է նման հնարավորություն, հայտարարեց Նիկոլ Փաշինյանը:

Սկսած է ձեռք բերում BRICS-ի գազաթնամուղի: Հուսով եմ, որ դա կլինի ե՛լ օգտակար, ե՛լ հետաքրքիր: Մենք նաեւ երկկողմ հանդիպում կանցկացնենք, ինչպես նաեւ՝ հնարավորություն կլինի գրուցել մի քանի տասնյակ պետությունների բազմաթիվ գործընկերների հետ, որոնք ծրագրում են մասնակցել այդ աշխատանքներին, - ասաց ՌԴ նախագահը:

- Ուրախ եմ արձանագրել, որ վերջին ամիսների ընթացքում մեզ մոտ կայացել է բավական ակտիվ քաղաքական երկխոսություն: Նախ՝ փոխվարչապետ Ալեքսեյ Օվերչուկն է ժամանել Երեւան, եւ կայացել է ոչ միայն միջկառավարական հանձնաժողովի հանդիպում, այլեւ բավական բովանդակալից խոսել ենք երկկողմ օրակարգի գրեթե բոլոր հարցերի շուրջ: Հոկտեմբերի սկզբին Երեւանում կայացել է ԵԱՏՄ միջկառավարական խորհրդի նիստ, եւ այդ միջոցառման շրջանակում մենք բովանդակալից

բննարկել ենք մեր համագործակցությանն առնչվող հարցեր: Այսօր եւս լավ հնարավորություն է ընդհանրացնել այդ քննարկումները, եւ շատ ուրախ եմ, որ ընձեռվել է նման հնարավորություն, հայտարարեց Նիկոլ Փաշինյանը:

ՊԱՇՏՈՆԱԴԵՍ ԲԱՑՎԵՑ «ՆԵՐՈՒԺ 5.0» ԾՐԱԳԻՐԸ



Կայացավ «Ներուժ 5.0» սփյուռքի տեխնոլոգիական ստարտափների ծրագրի 6-օրյա միջոցառման պաշտոնական բացումը: Այս տարի ծրագիրն անցկացվում է հորեյանական 5-րդ անգամ:

Ըստ Հայաստանի բարձր տեխնոլոգիական արդյունաբերության նախարար Մխիթար Հայրապետյանի՝ այս ծրագիրը կարելու քայլ է սփյուռքի հետ կամուրջներ ստեղծելու եւ համահայկա-

համար, այս տարի ստացվել է 64 հայտ՝ 20 երկրից, ընտրվել է 28 ստարտափ՝ 16 երկրից՝ Ռուսաստան, Վրաստան, Լիբանան, Քուվեյթ, Հունաստան, Լատվիա, Չեխիա, Անգլիա, Գերմանիա, Ֆրան-

սիա, Իտալիա, Ավստրիա, Շվեդիա, ԱՄՆ, Կանադա, Արգենտինա: «Ներուժ» սփյուռքի տեխնոլոգիական ստարտափների պետական ծրագրի նպատակն է խթանել Հայաստանի տնտեսական առաջընթացն ու ստարտափ էկոհամակարգի զարգացումը, մասնագիտական հայրենադարձությունը եւ համահայկական ներուժի ու կարողությունների ներգրավումը Հայաստանի տնտեսական զարգացման գործընթացներում: Հաղթելու դեպքում, «Գաղափարի փուլ» եւ «Աճի փուլ» անվանակարգերում, կտրամադրվեն դրամաշնորհներ:

ԲԱՐԵՎԱՍՈՒԹՅԱՆ ԵՎ ՀԱՄԱԳՈՐԾԱԿՑՈՒԹՅԱՆ ՊԱՅՄԱՆԱԳԻՐ՝ ԵՐԵՎԱՆԻ ԵՎ ՀՈՒՄԻ ՄԻՋԵՎ

Պաշտոնական այցով Իտալիայի մայրաքաղաք այցելած Երեւանի քաղաքապետ Տիգրան Ավինյանը հանդիպել է Հոմնի քաղաքապետ Ռոբերտո Գուալտիերիի հետ:

Պաշտոնական ձեռագրված հանդիպմանը հաջորդել է «Բարեկամության եւ համագործակցության» համաձայնագրի ստորագրման հանդիսավոր արարո-

ղությունը: Ստորագրված փաստաթղթով գործակցություն կծավալվի քաղաքային կառավարման, շրջակա միջավայրի

պաշտպանության, կրթության ու մշակույթի եւ մի շարք այլ ոլորտներում: Մեկ անգամ եւս շնորհակալություն հայտնելով ջերմ ընդունելության ու համագործակցության պատրաստակամության համար՝ քաղաքապետ Տիգրան Ավինյանը Հոմնի գործընկերոջ փոխարժարձ այցով հրավիրել է Երեւան:

ՎՐԱՑ ԳՐՈՂ ԻՎԱ ՓԵՋՈՒԱՇՎԻԼԻՆ ՀԱՅԱՍՏԱՆՈՒՄ ՆԵՐԿԱՅԱՑՐԵՑ «ԲՈՒՆԿԵՐ» ՎԵՊԸ



Վրաց գրող Իվա Փեջուաշվիլին Հայաստանում ընթերցողների դատին հանձնեց «Բունկեր» վեպի հայերեն թարգմանությունը: Դա Սիմոնյանների ընտանիքի մասին պատմող սագա է, ընտանիք, որը Արցախյան պատերազմի ժամանակ փախչում է Թբիլիսի: 24 ժամկետով ընթացքում զարգացող պատմությունը կոնֆլիկտների, դրամաների ու մարտահրավերների կծիկ է, որի մեջ հայտնվում է ամբողջ ընտանիքը:

Թարգմանությունը վրացերենից իրականացրել է Անի Ասատուրյանը, խմբագիրն է Արթուր Գրիգորյանը: Գիրքը լույս է ընծայել «Անտարես» հրատարակչությունը: - Սա հրաշալի հնարավորություն է երկու հարեւան ժողովուրդների, հատկապես երիտասարդության մտածողությունը ճանաչելու, հարաբերվելու ու համեմատվե-

լու տեսանկյունից: Եթե ոչ հիմա, վստահ եմ, որ հետագայում վեպը շատ մեծ հետաքրքրության կարժամանակ: Ուզում եմ առանձնահատուկ շնորհակալություն հայտնել Անիին, որը կարողացավ հաղթահարել ոճի առումով բարդ լեզուն, եւ ահա ունենք այս հրաշալի արդյունքը: Հուսով եմ, որ ոչ միայն միասին կրկին կաշխատենք, այլեւ հայ գրողների գործերը նույնպես վրացե-

րեն լույս կտեսնեն Վրաստանում, - նշեց Արթուրյանը:



Գրքի հեղինակն էլ ընդգծեց, որ մեծ պատասխանատվությամբ է մոտեցել հատկապես պատմական իրադարձություններին: Խոսել՝ գրքի ստեղծման մասին, շեշտել՝ ուրախ է լինել Հայաստանում:

Գրողը մեծացել է թբիլիսյան, այսպես կոչված, իտալական բակերից մեկում, որտեղ խաղացել է հայերի հետ եւ երբեք չի զգացել ազգային տարբերությունները: Հայերի հետ մշտապես մեծ սիրով է շփվել ու համագործակցել: Գրքի շնորհանդես-քննարկմանը ներկա էր Հայաստանում Վրաստանի արտակարգ եւ լիազոր դեսպան Գիորգի Շարվաշիձեն:

ԵԿԵՂԵՑԱԿԱՆ

19.10.2024 Սուրբ Մատթեոս, Մարկոս, Դուկաս եւ Դովհաննես Ավետարանիչների հիշատակի տոն

Մատթեոսը Տիրոջ 12 առաքյալներից է, առաջին Ավետարանի հեղինակը: Մատթեոս անունը հունական է, այն երբայերեն Ղեւի անունն է, որ նշանակում է Աստվածատուր: Սուրբ Մատթեոսը նախկինում Կափառնա քաղաքում մաքսավոր է եղել: Անսալով Տիրոջ ծայնին՝ նա վաճառել է իր ունեցվածքը, բաժանել այն աղքատներին՝ դարձել Քրիստոսի հետեւորդներից: Նա Աստուծո խոսքն է քարոզել

ՀՈԿՏԵՄԲԵՐ



Պարթեւատանում եւ Պաղեստինում:

Սուրբ Մարկոս Ավետարանիչը բնիկ երուսաղեմացի էր: Կոչվում էր նաեւ Դովհաննես:

Սուրբ Դուկաս Ավետարանիչը երրորդ ավետարանի հեղինակն է:

Սուրբ Դովհաննես առաքյալը Դ Ավետարանի, երեք ընդհանրական նամակների եւ «Հայտնության» գրքի հեղինակն է: Հիսուս նրան համարել է «սիրելի աշակերտ»: Հիսուս այնքան էր սիրում ու վստահում նրան, որ խաչելության պահին Աստվածամորը հանձնեց նրա խնամքին:

ՎԻՐԱՆՍՅՈՑ ԹԵՄԻ ՆԵՐՎԱՅԱՆՈՒՅԻՉՆԵՐԸ ՄԱՍՆԱԿՅԵՅԻՆ ՎՐԱՍՏԱՆՈՒՄ ԳՈՐԾՈՂ ԿՐՈՆԱԿԱՆ ԳՎԱՍՆԱՔՆԵՐԻ ԱՇԽԱՏԱՆՔԱՅԻՆ ՀԱՆԴԻՊՄԱՆԸ

«Լազարե» հիմնադրամի նախաձեռնությամբ, «Երիտասարդները Հարավային Կովկասում խաղաղության համար» նախագծի շրջանակներում, Քոբուլեթիում, Պատրիարքության Բորոզվաթի նստավայրում կայացավ Վրաստանում գործող կրոնական դավանանքների ներկայացուցիչների աշխատանքային հանդիպումը, որին Հայ Առաքելական Սուրբ Եկեղեցու Վիրահայոց թեմի առաջնորդ Կիրակոս եպիսկոպոս Դավթյանի օրհնությամբ, թեմը ներկայացնում էին Տեր Կիրակոս քահանա Սիմոնյանը եւ Գեւորգ սարկավազ Ավետիսյանը:

Նշենք, որ նախագիծն իրականացվում է 2007 թվականից եւ ընթացիկ 2022-2026 թվականների փուլի նպատակն է՝ աջակցել խաղաղության կառուցմանը Հարավային Կովկասի տարածաշրջանում:

2022 թվականից նախագծում ներգրավված են Վրաց Ուղղափառ Սուրբ Եկեղեցու, Հայ Առաքելական Սուրբ Եկեղեցու Վիրահայոց թեմի եւ Վրաստանի մասնադեպարտմենտի ներկայացուցիչները, ովքեր հանդիպում եւ քննարկում են երկրում եւ տարածաշրջանում առկա իրավիճակը, հա-



կամարտությունների վերափոխման եւ խաղաղության կառուցման պայմանները, կրոնի եւ հոգեւորականության դերը, ցույց են տալիս համագործակցության ուղիներն ու հնարավոր միջատության հնարավորությունները:

ՄԱՅՐԱՔԱՐԱՔ

ԹԲԻԼԻՍԻՈՒՄ ԿՏԵՂԱԳՐՎԻ ԷՐԵԿԼԵ ԵՐԿՐՈՐԴԻ ԱՐՁԱՆԸ

Վրաստանի կառավարության նախաձեռնությամբ ծրագրվում է Թբիլիսիում, Կախեթի մայրուղու վրա կանգնեցնել Էրեկլե Երկրորդի արձանը:

Ինչպես հայտարարեց Վրաստանի վարչապետ Իրակլի Կոբախիձեն, ի պատիվ ազգային հերոս Էրեկլե Երկրորդի, նրա հուշարձանը, ըստ Մերաք Մերաքիշվիլիի էսքիզի, կկանգնեցվի Կախեթի մայրուղու վրա՝ ՆԳՆ-ի մոտ, որտեղ քաղաքապետարանն իրականացնում է այգու վերականգնման նախագիծը:

Մեր պարտքն է պատշաճ կերպով հարգել Վրաստանի պատմությունն ու բոլոր հերոսներին: Մեր հերոս Էրեկլե Երկրորդ թագավորի անձնագծությունն ու իմաստությունը պահպանեց Վրաստանի քրիստոնեական ինքնությունը, որը մեր Եվրոպական ինքնության անբաժան մասն է,- ասաց վարչապետը:



ՄՊՈՐՏ

ՖՈՒՏԲՈԼԻ ԱԶԳԵՐԻ ԼԻԳԱՅԻ ՄՐՑԱՇԱՐԸ ԹԵՎԱԿՈՒՆԵԼ Է ՎՃՈՌՈՇ ՓՈՒԼ



Հոկտեմբերի 10-11-ին, Վրաստանի եւ Հայաստանի հավաքականների համար, ֆուտբոլի Ազգերի լիգայի մրցաշարում վճռորոշ փուլ էր:

Լիգայի «B» դիվիզիոնում հանդես եկող

հավաքականը հերթական հանդիպումը կանցկացնի սեփական հարկի տակ, հոկտեմբերի 14-ին, Ալբանիայի հավաքականի հետ:

Ինչ վերաբերում է Ազգերի լիգայի «C4» ենթախմբում հանդես եկող Հայաստանի հավաքականին, ապա մեկնարկային խոստումնալի խաղից հետո (4:1 հաշվով առավելության հասավ Լատվիայի հավաքականի նկատմամբ), որոշակի հետընթաց ապրեց, 0:2 հաշվով զիջելով Հյուսիսային Մակեդոնիայի հավաքականին, իսկ հոկտեմբերի 10-ին, վերջին րոպեներին, խուսափեց Ֆարերների հավաքականի հետ մրցամարտում պարտությունից: Հանդիպումն ավարտվեց ոչ-ոք՝ 2:2:

Հայաստանի ֆուտբոլի ազգային ընտրանին հաջորդ հանդիպումը կանցկացնի հոկտեմբերի 13-ին՝ Երեւանում ընդունելով Հյուսիսային Մակեդոնիային:

Վրաստանի հավաքականը, մեկնարկային երկու խաղերից հետո, առավելագույն 6 միավորով գլխավորելով աղյուսակը, հոկտեմբերի 11-ին, ուշ երեկոյան, լեհական Պոզնան քաղաքում իր ուժերը չափեց Ուկրաինայի հավաքականի հետ:

Նշենք, որ հոկտեմբերի 11-ին հանդիպումը թվով 10-րդն էր Վրաստանի եւ Ուկրաինայի հավաքականների համար, ընդ որում, անցած ինը հանդիպումներից վեցը հաղթել են ուկրաինացիները, երեքը ավարտվել է ոչ-ոքի:

Ազգերի լիգայի մրցաշարում Վրաստանի

6x6 grid with numbers 1-58 in various cells.

ՆԱԽՈՐԴ ՀԱՄԱՐԻ ԽԱՉՔԱՆԻ ՊՍՏԱՍԽԱՆՆԵՐԸ

- ՀՈՐԻՉՈՆԱԿԱՆ. 7.Ոչ լեզակ: 9.Մրցույթի մասնակիցներին զմահատելու փորձագետների խումբ: 10.Քարթլիի թագավորներից: 11.Քաղաք Չեխայում: 13.Հարսնացուի հատուցագինը: 16.Մերձարեւադարձային միրգ: 17.Կարգ, գիծ: 19.Կատվազգի գազան: 22.Ավտոմոբիլի թափքի տեսակ: 24.Ռազմանավի տեսակ: 25.Մայրցամաքային ծանծաղուտ: 27.Տոմս չունեցող: 29.Չամբիայի մայրաքաղաքը: 32.Սպորտի երեք վարժություններից բաղկացած մարզածե: 33.Վրաց գրող ... ճոնքածե: 35.Սարքավորում: 37.Մեքենան վարելու հարմարանք: 39.Ծծմայր, դայակ: 40.Ալ.Դյունայի «3 հրացանակիրներից»: 43.Ժառանգականության գործառնական եւ կառուցվածքային միավոր, որը վերահսկում է որոշակի հայտանիշի կամ հատկության զարգացումը: 44.«Այն գործի կեսն է»: 47.Աղոթք «... Սարիա»: 49.Միջին չափի հյուրանոց: 50... տեղին: 53.Պղնձե սկուտեղ: 54.Քաղաք Բելգիայում: 55.Երբեւիցե, բնավ: 57.Գետ Ռուսաստանում: 58.Շվեյցարացի ֆուտբոլիստ Դանիել...:

- ՆԱԽՈՐԴ ՀԱՄԱՐԻ ԽԱՉՔԱՆԻ ՊՍՏԱՍԽԱՆՆԵՐԸ ՈՐԿՐԱՅՈՒՄ. 1.Փղի քիթ: 2.Գետ ՌԴ-ում: 3.Միշտ: 4.Չորեք: 5.Նորվեգացի հետախույզ ... Ամունդսեն: 6.Կինոնկար: 8.Արտասվող: 12.Ոչխարի «հագուստը»: 14.Գետ Արեւելյան Ասիայում: 15.Մահմեդական կրոնավոր: 18.Պապուասների լեզուներից մեկը: 19.Չոհաբերության բլիթ (հին Հունաստան): 20.Քաղաք Ինդոնեզիայում: 21.Քարթլիի թագուհի, Վրաց Ուղղափառ Եկեղեցու Սրբերից: 23.Աշտը՝ փաղաքշական: 26.Ականջ դնել: 28.Տկար, նիհար, հյուճված: 29.Փիլիսոփա հնագույն Հինաստանում, Դաոսականության ակնազարդ դեմքերից ... Ցզի: 30.Կշտամբանք: 31.Մասերի բաժանել: 34.Անգլիացի ծովակալ: 36.Նիրի: 38.Ընտանի կենդանի: 41.Հնագույն ազգ Հարավային Կովկասում: 42.Գետ Ռուսաստանում: 45.Մոդայիկ ինքնատիպություն: 46.Կրող սարք: 48.Արեւմտահայ բանաստեղծ, փիլիսոփա ... Տեմիրճիպաշյան: 51.Օրօրի, օր...օրե: 52.Սուր եւ բարձր աղաղակ՝ բացականչություն: 56.Քիլիարդի խաղաձող: Կազմեց ԷԼԼԱ ԱՌԱՐԵԿՅԱՆԸ

Գլխավոր խմբագիր՝ ՎԱՆ ԲԱՅԲՈՒՐԹՅԱՆ
Գլխ. խմբագրի տեղակալ՝ ՅՈՒՐԻ ՊՈՂՈՍՅԱՆ
Համարի պատասխանատու՝ ԳԱՅԱՆԵ ԲՈՍՏԱՆՉՅԱՆ
Համակարգչային ձեւավորումը՝ ՏԻԳՐԱՆ ՍԻՐԱԳԵՂՅԱՆ

ՔՅՅԵՈ ՅՈՆԱՅՅԵՄՈ: ՄԾՈՒՄՆԵՈ 0105, Ճ.ՅՄՐԵՅՈՒՄԵ ՄՅՅԵՅ 5,
Մեր հասցեն՝ Թբիլիսի 0105 Գ.Աթոնելի փ. 5
ՓՅՊ. Հեռ. 2990-739, 2990-774
www.vrastan.ge E-mail: vrastan.press@gmail.com
Գրանցման վկայական № 4 Կ - 1439
«ԿՈՒՐ» հրատարակչություն

«ՅՐԱՆՅՈՒՄ»
ՄԾՈՒՄՆԵՈ, ՆԱՅՅԵՄՅՈՒՄ
"ВРАСТАН"
Тбилиси, Грузия
<VRASTAN>
Georgia, Tbilisi
Индекс 66445